

Das 7m capitel

116

erzügen magt in zu lösen von den henden seiner veind vñ band
ab das seil damit er gegürtet was vnd warff des dem man das
ein teil hinab vnd behielt das ander ort in seiner hand das er dar
an heruff steigen solt dz begryff der aff durch sin behendigkeit vor
dem man vñ sprang damit us der gruben Der waller warff das
zum andern mal hinab / do kroch die nater daran heruff zum
dritten mal ergreiff es die schlang vnd kam damit us dem loch
Dise dry waren dem waller des danckbar mit demütiger vn-
dertänigkeit vnd erbietung widergeltes vnd warneten in all
diz vor dem goldschmid das er in heruf mit ziehen solt Wann es
lebt kem man der vñ gütat so vndanckbar wär als er vnd na-
men hie mit vrloub von im vñ sprachen Ob dich din weg ym-
mer für vnser woung hin tragt die mit ferz von einander an
emem wasser sind by emer küniglichen statt So wöllen wir dir
diser gütat nach vnserm vermögen dancken vnd dir des vn-
sern mit teilen nach vnserm vermögen vnd schieden sich damit
von im Warnach warff der waller das seil wider in die grub vñ
half dem man heruf vnd achtet mit der warnung der tier / diser
goldschmid danckte im mit gelümbten Worten der barmhertzig-
keit vnd genad an im begangen vnd wolt im des ob er zu seiner
woung ymmer nahen würd vngedanckt mit lassen.

